

# 卷三

書名 重選唐音大成十四卷附錄一卷 嘉靖五年  
刊本  
撰者 明 邵天和 輯  
卷 卷三  
內容分類 集-總集-各代-唐  
索書號 集部-總集-51  
編號 D7841400

彩色首頁1

東洋文化研究所漢籍目錄 編號: D7841400  
東洋文化研究所漢籍目錄所藏漢籍善本文影像資料庫 索書號: 集部-總集-51  
漢籍善本文影像資料庫文本重選唐音大成十四卷附錄一卷 嘉靖五年刊本  
版權所有: 東京大學 東洋文化研究所  
使用上的注意事項

重選唐音大成卷之一

宜興邵天和節夫編校

始音

從軍行

楊炯

火照西京心中自不平  
牙璋辭鳳闕鐵騎繞龍城  
暗凋旗畫風多雜  
鼓聲寧為百夫長  
勝作一書生

劉生

本六郡年長入三秦  
白壁酌知已黃金謝主人  
生赤電馬足起紅塵  
日莫歌鍾發喧動四隣

紫騮馬

曉耕翻露草夜傍響雞石來往不逢人長歌楚天碧

重選唐音大成卷之二終

重選唐音大成卷之三

宜興邵天和節夫編校

正音二

七言古詩

送友人歸山歌

王摩詰

山寂寂兮無人又蒼蒼兮多木群龍兮滿朝君何為  
兮空谷文憲和兮思深一作道難知兮行獨悅石上  
兮流泉與松間兮草屋入雲中兮養雞上山頭兮抱  
犢神與素兮如瓜虎賣杏兮收穀愧不才兮妨賢嫌  
既老兮貪祿誓解印兮相從何詹尹兮可卜



山中人兮欲歸雲冥冥兮雨霏霏水驚波兮翠管靡  
白鷺忽兮翻翻飛君不可兮寒衣山萬重兮一雲混  
天地兮不分樹掩曖兮氛氲猿不見兮空聞忽山西  
兮夕陽見東臯兮遠村平蕪綠兮千里眇惆悵兮思  
君

迎神曲

坎坎擊鼓魚山之下吹洞簫望極浦女巫進紛屢舞  
陳瑤席湛清醑風淒淒兮夜雨神之來兮不來使我  
心兮苦復苦

送神曲

紛進拜兮堂前目眷眷兮瓊筵來不語兮意不傳作  
暮雨兮愁空山悲急管思一作繁絃靈之駕兮巖欲  
旋倏雲收兮雨歇山青青兮水潺潺

老将行

少年十五二十時步行奪取胡馬騎射殺陰山一一作  
白額虎肯數鄴下黃鬚兒一身轉戰三千里一劔曾  
當百萬師漢兵奮迅如霹靂虜騎崩騰畏蒺藜衛青  
不敗由天幸李廣無功緣數奇自從棄置便衰朽世  
事蹉跎成白首昔時飛箭無全日今日垂楊生左肘  
路傍時賣故侯瓜門前學種先生柳茫茫一作古木



連窮巷遠落寒山對虛牖誓令疏勒出飛泉不似頽  
川空使酒賀蘭山下陣如雲羽檄交馳日夕聞節使  
三河募年少詔書五道出將軍試拂鐵衣如雪色聊  
持寶劔動星文願得燕弓射天將恥令一作敢越甲鳴  
吳軍莫嫌舊日雲中守猶堪一戰樹一作功勳

燕支行

漢家天將才且雄來時謁帝明光宮萬乘親推雙闕  
下千官出餞五陵東誓辭甲第金門裏身作長城玉  
塞中衛霍才堪一騎將朝廷不數貳師功趙魏燕韓  
多勁卒關西俠小何咆哮報讎只是聞嘗膽飲酒不

曾妨刮骨畫戟雕戈白日寒連旗大旆黃塵沒疊鼓  
遙翻瀚海波鳴笳亂動天山月麒麟錦帶佩吳鈎颯  
踏青驪躍紫騮拔劔已斷天驕臂歸鞍共飲月支頭  
漢兵大呼一當百虜騎相看哭且愁教戰雖令赴湯  
火終知上將先伐謀

同崔傳荅賢弟

洛陽才子姑蘇客杜宛殊非舊一作古鄉陌九江楓樹  
幾回青一片揚州五湖石揚州時有下江兵蘭陵鎮  
前吹笛聲夜火入歸富春郭秋風鶴唳石頭城周郎  
陸弟為儔侶對舞前谿歌白苧曲几書留小吏家草



堂基賭山陰野衣冠若話外臺臣先數夫君席上珍  
更聞臺閣求三語遙想風流第一人

送崔五太守

長安廐吏來到門朱文露網動行軒黃花縣西九折  
坂玉樹官南五丈原褒斜谷中不容幔惟有白雲當  
露冕子午山裏杜鵑啼嘉陵水頭行客飯劍門忽斷  
蜀川開萬井雙流滿眼來霧中遠樹刀州出天際澄  
江巴字回使君年紀三十餘少年白哲專城居欲持  
畫省郎官筆回與臨邛父老書

故人張諲工詩善易卜兼能丹青草隸以詩

見贈聊獲荅之

不逐城東遊俠兒隱囊紗帽坐彈碁蜀中夫子時開  
卦洛下書生解詠詩藥闌花徑衝門裏時復據梧聊  
隱几屏風誤點惑孫郎團扇草書輕內史故園高枕  
度三春未日垂帷絕四隣自想蔡邕今已老更將書  
籍與何人

隴頭吟

長安少年遊俠客夜上戍樓看太白隴頭明月廻一作  
尚臨關隴上行人夜吹笛關西老将不勝愁駐馬聽  
之雙涕流身經大小百餘戰麾下偏裨萬戶侯蘇武



纔為典屬國節旄空盡落一作海西頭

與獨孤漸別燕呈嚴侍郎

岑參

輪臺客舍春草滿穎陽歸客腸堪斷窮荒絕漠鳥不  
飛萬積千山夢猶懶憐君白面一書生讀書千卷未  
成名五侯貴門脚不到數畝山田身自耕興來浪跡  
無遠近及至辭家憶鄉信無事垂鞭信馬頭西南幾  
欲窮天盡奉使三年獨未歸邊頭詞客舊來稀借問  
君來得幾日到家不覺換春衣高齋清晝卷羅幙紗  
帽接羅幙不着中酒朝眠日色高彈碁夜半燈花落  
冰片高堆金錯盤滿堂凜凜五月寒桂林蒲萄新吐

知君開館恒愛客樗蒲百金每一擲平生有錢將與  
人江上故園空四壁吾觀費子毛骨竒廣眉大口仍  
赤髭看君失路尚如此人生貴賤那得知高秋八月  
歸南楚東門一壺聊出祖路指鳳凰山北雲衣露鸚  
鵡洲邊雨莫嘆蹉跎白髮新應須守道勿羞貧男兒  
何心戀妻子莫向江村老却人

太白胡僧歌

聞有胡僧在太白蘭若去天三百尺一持楞伽入中  
峯世人難見但聞鐘窻邊錫杖解兩虎床下鉢盂藏  
一龍草衣不針復不線兩耳垂肩眉覆面此僧年紀



那得知手種青松今十圍心將流水同清淨身與浮  
雲無是非商山老人已曾識願一見之何由得山中  
有僧人不知識一作城裏看山空黛色

函谷關歌劉評事使關西

君不見函谷關崩城敗一作壁至今在樹根草蔓無  
一作古道空谷千年長不改寂寞無人空舊山聖朝  
無事不須關白馬公孫何處去青牛老人更不還蒼  
苔白骨空滿地月與古時長相似野花不省見行人  
山鳥何曾識關吏故人方乘使者車吾知郭丹却不  
如請君時憶關外客行到關西多寄書一作致書

范公藪竹歌

世人見竹不解愛知君種竹府庭內此君托根幸得  
所種來幾時聞已大盛夏脩脩藪色寒閑宵滅滅葉  
聲乾能清案牘簾下見宜對琴書窻外看為君成陰  
將蔽日迸筍穿階踏還出守節偏凌御史霜虛心願  
比郎官筆君莫愛南山松樹枝竹色四時也不移寒  
天草木黃落盡猶自青青君始知

韋負外家花樹歌

今年花似去年好去年人到今年老始知人老不如  
花可惜落花君莫掃君家兄弟不可當列卿御史尚



書郎朝回花底恒會客花撲玉缸春酒香

燕歌行

高遠夫

漢家烟塵在東北漢將辭家破殘賊男兒本自重橫  
行天子非常賜顏色擬金伐鼓下榆關旌旆逶迤竭  
石間校尉羽書飛瀚海單于獵火照狼山山川蕭條  
極邊土胡騎憑陵雜風雨戰士軍前半死生美人帳  
下猶歌舞大漠窮秋塞草腓孤城落日鬪兵稀身當  
恩遇常輕敵力盡關山未解圍鐵衣遠戍辛勤久玉  
筋應啼別離後小一作女婦城南欲斷腸征人薊北空  
回首邊庭飄飄一作騶騶那可度絕域蒼茫無所有殺氣

三時作陣雲寒聲一夜傳刀斗相看白刃血一作雪紛  
紛死節從來豈顧勲君不見沙場征戰苦至今猶憶  
李將軍

同河南李七少尹畢員外家夜飲時洛陽告

捷遂作春酒歌

故人美酒勝濁醪故人清詞合風騷長歌滿酌惟吾  
曹高譚正可揮塵毛半醉忽然持蟹螯洛陽告捷傾  
前後武侯腰間印如斗郎官無事時飲酒杯中綠蟻  
吹轉來甕上飛花拂還有前年持節將楚兵去年留  
司在東京今年復拜二千石盛夏五月西南行彭門



劍門蜀山裏昨逢軍人劫奪我到家但見妻與子賴  
得飲君春酒數十杯不然令我愁欲死

封丘縣

我本漁樵孟諸野一生自是悠悠者乍可狂歌草澤  
中寧堪作吏風塵下祇言小邑無所為公門百事皆  
有期拜迎官長心欲碎鞭撻黎庶令人悲悲來向家  
問妻子舉家盡笑今如此生事應須南畝田世情付  
與東流水夢想舊山安在哉為銜君命日遲迴乃知  
梅福徒為爾却憶陶潛歸去來

寄宿田家

田家老翁住東陂說道平生隱在茲鬢白未曾記日  
月山青每到識春時門前種柳深成巷野谷流泉添  
入池牛壯日耕十畝地人間常掃一茅茨客來滿酌  
清樽酒感興平吟才子詩巖際窟中藏鼯鼠潭邊竹  
裏隱鷓鴣村稀一作墟日落行人少醉後無心怯路岐  
今夜只應還寄宿明朝拂曙與君辭

行路難

君不見富家翁舊時貧賤誰比數一朝金多結豪貴  
百事勝人健如虎子孫成行滿眼前妻能管絃妾能  
舞自矜一身忽如此却笑傍人獨愁苦東隣少年安



所如席門窮巷出無車有才不肯學干謁何用年年  
空讀書

代閨人答輕薄少年

崔顥

妾家近隔鳳凰池粉壁紗窗楊柳垂本期漢代金吾  
婿悞嫁長安遊俠兒兒家夫婿多輕薄惜客探九重  
然諾平明挾彈入新豐日晚揮鞭出長樂青絲白馬  
冶遊園能使行人駐馬看自矜陌上繁華盛不念閨  
中花鳥闌花間陌上春將晚走馬鬪雞猶未返三時  
出望無消息一去那知行近遠桃李花開覆井闌朱  
樓落日卷簾看愁來欲奏相思曲抱得秦箏不忍彈

長安道

長安甲第高入雲誰家居任霍將軍日晚朝回擁寶  
從路傍拜揖何紛紛莫言執手手可熱須臾火盡灰  
亦滅莫言貧賤即可欺人生富貴自有時一朝天子  
賜顏色世事悠悠應始知

聽董大彈胡笳聲兼語弄寄房給事 李頎

蔡女昔造胡笳聲一彈一十有八拍胡人落淚向作  
沾邊草漢使斷腸對歸客古戍蒼蒼烽火寒大荒陰  
沉飛雪白先拂商絃後角羽四郊秋葉驚撼撼董夫  
子通神明深松竊聽來妖精言遲更速皆應手將往



復旋如有情空山百鳥散還合萬里浮雲陰且晴嘶  
酸雛鴈失群夜斷絕胡兒戀母聲川為靜其波鳥亦  
罷其鳴烏珠部落家鄉遠邏迤沙塵哀怨生幽陰變  
調忽飄洒長風吹林雨墮瓦迸泉颯颯飛木末野鹿  
呦呦走堂下長安城連東掖垣鳳凰池對青鎖門高  
才脫略名與利日夕望君抱琴至

放歌行答從弟墨卿

小來好文恥學武世上功名不解取雖沾寸祿已後  
時徒欲出身事明主柏梁賦詩不及宴長楸走馬誰  
相數歛跡俛眉心自甘高歌擊節聲辛苦由是蹉跎

一老夫養雞牧豕東城隅空歌漢代蕭相國肯事霍  
家馮子都徒爾當年聲籍籍濫作詞林兩京客故人  
斗酒安陵橋黃鳥春風洛陽陌吾家令弟才不羈五  
言破的人共推興來逸氣如濤湧千里長江歸海時  
別離短景何蕭索佳句相思能間作舉頭遙望魯陽  
山木葉紛紛向人落

古行路難

漢家名臣楊德祖四代五公享茅土父子兄弟縮銀  
黃躍馬鳴珂朝建章火浣單衣繡方領茱萸錦帶玉  
盤囊賓客填街復滿座片言出口生輝光世人逐勢



爭奔走瀝膽隨肝惟恐後當時一顧登青雲自謂生  
死長隨君一朝謝病還鄉里窮巷蒼苔絕知己秋風  
落葉閉重門昨日論交竟誰是薄俗嗟嗟難重陳深  
山麋鹿可為隣魯連所以蹈東海古往今來稱達人

送陳章甫

四月南風大麥黃棗花未落桐葉長青山朝別暮還  
見嘶馬出門思舊鄉陳侯立身何坦蕩虬鬚虎眉仍  
大顙腹中貯書一萬卷不肯低頭在草莽東門沽酒  
飲我曹心輕萬事如鴻毛醉卧不知白日暮有時空  
望孤雲高長河浪頭連天黑津吏停舟渡不得鄭國

遊人未及家洛陽行子空歎息聞道故林相識多罷  
官昨日今如何

送劉十

三十不官亦不娶時人焉識道高下房中惟有老氏  
書櫪上空餘少游馬往來嵩華與函秦放歌一曲前  
山春西林獨鶴引閑步南澗飛泉清角巾前年上書  
不得意歸卧東窻一作兀然醉諸兄相繼掌青史第  
五之名齊驃騎烹葵摘果告我行落日夏雲縱復橫  
聞道謝安掩口笑知君不免為蒼生

酬李十六岐

王季友



鍊丹文武火未成賣藥販履俱逃名出谷迷行洛陽  
道乘流醉卧滑臺城城下故人久離怨一懼適我兩  
家願朝飲杖懸沽酒錢莫餐囊有松花飯于何車馬  
日憧憧李膺門館爭登龍千賓楫對若流水五經發  
難如扣鐘下筆新詩行滿壁立談古人坐在席問我  
草堂有卧雲知我山儲無儋石自耕自刈食為天如  
鹿如麋飲野泉亦知世上公卿貴且養丘中草木年

觀于舍人壁畫山水

野人宿在山家少朝見此山謂山曉半壁仍棲嶺上  
雲開簾欲放湖中鳥獨坐長松是阿誰再三招手起

來建于公大笑向余說小弟丹青能爾為

同張侍御宴北樓

諸光義

今之太守古諸侯出入雙旗垂七旒朝覽干戈時聽  
訟暮延賓客復登樓西山漠漠崦嵫色北渚沉沉江  
漢流良宵清淨方高會繡服光輝聯皂蓋魚龍恍惚  
階墀下雲霧杳冥窻戶外水靈慷慨行泣珠游女飄  
飄思解珮蒼蒼低月半遙城落落踈星滿太清不分  
一作開襟悲楚奏願言吹笛退胡兵軒后青立埋楔  
偷周王白羽掃撓捨期君武節朝龍闕予亦翱翔歸  
玉京



送王七尉松滋

孟浩然

君不見巫山神女作行雲  
霏紅沓翠曉氛氲  
嬋娟流入襄王夢  
倏忽還隨零雨分  
空中飛去復飛來  
朝朝暮暮下陽臺  
愁君此去為仙尉  
便逐行雲去不迴

夜歸鹿門歌

山寺鳴鐘日已昏  
漁梁渡頭爭渡喧  
人隨沙岸向江村  
余亦乘舟歸鹿門  
鹿門日照開烟樹  
忽到龐公棲隱處  
巖扉松徑長寂寥  
惟有幽人自來去

湖中對酒作

張正言

夜坐不厭湖上月  
晝行不厭湖上山  
眼前一樽又長

滿心中萬事如等閑  
主人有黍百餘石  
濁醪數斗應不惜  
即今相對不盡懽  
別後相思復何益  
茱萸灣頭歸路賒  
願君且宿黃翁家  
風光若此人不醉  
參差孤負東園花

張公子行

常建

日出乘釣舟  
嫋嫋垂釣竿  
涉淇傍荷花  
驄馬閑金鞍  
使客白雲中  
腰間懸一作垂鞭  
轡出門事嫖姚  
為君西擊胡  
胡兵漢騎相馳逐  
轉戰孤軍海西北  
百尺旌竿沉黑雲  
邊笳落日不堪聞

聽笛歌

劉文房



舊游憐我長沙謫載酒沙頭送遠客天涯望月自露  
衣江上何人復吹笛橫笛能令孤客愁淥波淡淡如  
不流商聲寥亮羽聲苦江天寂歷江楓秋靜聽關山  
聞一叫三湘月色悲猿嘯又吹楊柳激繁音千里春  
色傷人心隨風飄向何處落惟見曲盡平湖深明發  
與君離別後馬上一聲堪白首

望龍山懷道士許法稜

心惆悵望龍山雲之際烏獨還懸厓絕壁幾千丈綠  
蘿嫋嫋不可攀龍山高誰能踐靈原中蒼翠<sub>一作嵐</sub>烟  
瀑水如向人終日迢迢空在眼中有一人披霓裳誦

經山頂餐瓊漿空林閑坐獨焚香真官列侍儼成行  
朝入青霄禮玉堂夜掃白雲眠石床桃花<sub>一作洞裏</sub>  
居人滿桂樹山中住日長龍山高高遙相望

齊一和尚影堂

一公住世忘世紛暫來復去誰能分身寄虛空如過  
客心將生滅是浮雲蕭散浮雲往不還淒涼遺教歿  
仍傳舊地愁看雙樹在空堂只是一燈懸一燈長照  
恒河沙雙樹猶落諸天花天花寂寂香深殿苔蘚蒼  
蒼閉虛院昔余精念訪禪扉常接微言法道機今來  
<sub>一作</sub>寂寞無所得惟共門人淚滿衣



王昭君歌

自矜嬌艷色不顧丹青人誰知粉繪能相負却使容  
華翻誤身上馬辭君嫁驕虜玉顏對人啼一作不語  
北風鴈急浮雲秋萬里獨見黃河流纖腰不復漢宮  
寵雙娥長向胡天愁琵琶絃中苦調多蕭蕭羌笛聲  
相和誰憐一曲傳樂府能使千秋傷綺羅

長安道

韋應物

漢家宮殿含雲烟兩宮十里相連延晨霞出沒弄丹  
闕春雨依微自甘泉春雨依微春尚早長安貴游愛  
芳草寶馬橫來下建章香車却轉避馳道貴游誰最

貴衛霍世難比何能蒙主恩幸遇邊塵起歸來甲第  
拱皇居朱門戕戕臨九衢中有流蘇合懽之寶帳一  
百二十鳳凰羅列含明珠下有錦鋪翠被少燦爛博  
山吐香五雲散麗人綺閣情飄飄頭上鴛鴦雙翠翹  
低鬟曳袖回春雪聚黛一聲愁碧霄山珍海錯弃藩  
籬烹犢魚羔如折葵既請列侯封部曲還將金印綬  
盧兒懽榮若此何所苦但苦白日西南馳

聽鶯曲

東方欲曙花冥冥啼鶯相喚亦可聽乍去乍來時近  
遠纔聞南陌又東城忽似上林翻下苑綿綿蠻蠻如



有情欲轉不轉意自嬌羞兒弄笛曲未調前聲後聲  
不相及秦女學箏指猶澁須臾風暖朝日噉流音變  
作百鳥喧誰家懶婦驚殘夢何處愁人憶故園伯勞  
飛過聲跼促戴勝下時桑田綠不及流鶯日日啼花  
間能使萬家春有時斷續聽不了飛去花枝猶裊裊  
還棲碧樹鎖千門春漏方殘一聲曉

古東門行

柳子厚

漢家三十六將軍東方靈動橫陣雲雞鳴函谷客如  
霧貌同心異不可數赤丸夜語飛電光徼巡司隸眠  
如羊當街一叱百吏走馮敬胸中函七首亮徒側耳

潛愜心悍臣破膽皆杜口魏王卧內藏兵符子西樞  
袂真無辜羞胡轂下一朝起敵國舟中非所擬安陵  
誰辨剗礪工韓國詎明深井里絕臙斷骨那可補萬  
金寵贈不如土

漁翁

漁翁夜傍西巖宿曉汲清湘然楚竹烟銷日出不見  
人欸乃一聲山水綠迴看天際下中流巖上無心靈  
相逐

涼州行

王仲初

涼州四邊沙浩浩漢家無人開舊道邊頭州縣盡胡



兵將軍別築防秋城萬里征人皆已沒年年旌節發  
西京多來中國收婦女一半生男為漢語藩人舊日  
不畊犁相學如今種禾黍驅羊亦着錦為衣為惜擅  
裘防鬪時養蠶繅繭成疋帛那將繞帳作旌旗城頭  
山雞鳴角角洛陽家家學胡樂

當窻織

歎息復歎息園中有棗行人食貧家女大富家織翁  
母隔牆不得力水寒手沁絲脆斷續來續去心腸爛  
草蟲促促機下鳴兩日催成一疋半輸官上頭有零  
落姑未得衣身不着當窻却羨青樓娼十指不動家

盈箱

望夫石

望夫處江悠悠化為石不回頭山頭日日風和雨行  
人歸來石應語

車遥遥

張文昌

征人遥遥出古城雙輪齊動駟馬鳴山川無處無歸  
路念君長作萬里行野田人稀秋草綠日暮放馬車  
中宿驚麋游兔在我傍獨唱鄉歌對僮僕君家大宅  
鳳城隅年年道上隨行車願為玉鑿繫華軾終日有  
聲在君側門前舊宅久已拋無由復得君消息



古釵歎

古釵墮井無顏色百尺泥中今復得鳳凰死轉有古  
儀欲為首飾不稱時女伴傳者不知主羅袖拂拭生  
光輝蘭膏已盡股半折雕文刻樣無年月雖離井底  
入匣中不用還與墜時同

猛虎行

南山北山樹冥冥猛虎白日繞林行向曉一身當道  
食山中麋鹿盡無聲年年養子在空谷雌雄上山不  
相逐谷中近窟有山林長向村家取黃犢五陵年少  
不敢射空來林下看行跡

牧童詞

遠牧牛繞村四面禾黍稠陂中飢鳥啄牛背令我  
不得戲隴頭入陂草多牛散行白犢時向蘆中鳴隔堤  
吹葉應同伴還敲長鞭三四聲牛羊食草莫相觸官  
家截爾頭上角

征婦怨

九月匈奴殺邊將漢軍全沒遼水上萬里無人收白  
骨家家城下招魂壑婦人依倚子與夫同居貧賤心  
亦舒夫死戰場子在腹妾身雖存如畫燭



音韻大成卷之二終

音韻大成卷之二終









東洋研究會  
圖書藏